

公孫天

公孫天字元珍

公孫天字元珍

公孫天字元珍

公孫天字元珍

公孫天字元珍

公孫天字元珍

公孫天字元珍



元珍公墓表

公諱寶臣字元珍姓丁氏常州晉陵人也景祐元年
舉進士爲峽州軍事判官淮南節度掌書記杭州觀
察判官改太子中允剡縣徙知端州遷太常丞博士
坐海賊儂知高陷城失守奪一官徙知黃州久之復
得太常丞監湖州酒稅又復博士知諸暨縣編校秘
閣書籍遂爲校理同知太常禮院公爲人外和怡而
內謹栗望其容貌進趨知爲君子人也居鄉以文行

稱少孤與其兄篤于友誼兄亡服三年喪曰吾不幸
幼失其父兄猶父也慶厯中詔天下大興學校東南
多學士而湖杭尤盛公居杭學爲教授以其素所學
問而自修於鄉里者教其徒久而學者多所成就其
後天子患館閣職廢特置編校八員其選甚精乃自
諸暨召居秘閣公治剡縣聽治精明賦役有法民畏
信而便安之其始治剡也如此後治諸暨剡鄰邑也
其民望其來權曰此剡人愛而思之謂不可復得者

也今吾民乃幸而得之而公亦以治剡者治之由是
所至有聲及居閣下淡如也嘗友諸公卿學士人皆
親愛焉蓋其召自諸暨也以才行選及在館閣久而
朝廷益知其賢每論人物必稱之國家自削除僭偽
東南遂無事偃兵弛修者六十餘年而嶺外尤甚其
山海荒濶列郡數十皆爲下州朝廷命吏常以一縣
視之故其守無城其戍無兵一日智高乘不備陷邕
州殺嗇吏有眾萬餘人順流而下潯梧康封諸小州

所過如破竹吏民皆望風遠遁獨公率羸卒百餘拒戰殺六七人既敗亦走初賊未平公語其下曰得兵數千伏在湫峽扼至險以擊驕兵可必勝也乃請兵於廣州凡九請不報又得賊覘者一人斬之賊既平議者謂公文學宜居飴閣備顧問而泐然以儒者宇空城提百十飢羸之卒當萬人卒至之賊可謂不幸而天子亦以爲縣官不素設備而責守吏不以空手捍賊宜原其情故一切輕其法而又以嘗請兵不得

力能拒戰殺則又輕之故他失守者皆奪兩官而公
奪一官已而知其賢復召用後十年餘侍御蘇案受
命之明日建言請復治公前事奪其職天子知公賢
不可以一眚廢而先帝已原其罪而輕之矣又數更
大赦且罪無再坐然猶以御史新用故屈公使少避
而不傷之也乃用校理歲滿所常得者卽以公通判
永州方待闕於晉陵以治平四年四月六日甲子暴
中風眩一夕卒享年五十有八天子憫然推恩錄其

一子爲太廟齋郎公之生平履憂患而遭困厄處之
若素未嘗見其戚戚之色其於窮達壽夭知有命固
無憾於心然知公之黷哀其志而惜其命止於斯者
不能無憾也於是相與著其大節伐石紀辭以表見
於後世庶幾以慰其思云

熙甯元年六月十有四日廬陵歐陽修述

梁溪丁氏始遷祖德溢公傳


公諱浩字德溢晉陵名宦也自爲諸生時號稱名士
慶元六年庚申成進士由戶部員外授知貴州府甚
有官聲召見又知滌州至郡墓廬陵之舊迹修其政
事踰年政和年豐公事之暇訪所謂醉翁豐樂二亭
皆頽廢不堪乃嘆曰廬陵曾有德于斯民哲人已往
未及百年而斯亭之廢壞不可保况吾承乏斯土曠
官尸位無德於斯民豈能望後人之惓惓我乎此亭

而不能更新之是重我不能事事之責也於是舉而
新之人皆悅服及閱廬陵自書二記龍蛇亦多漫滅
拭而新之客曰先生修廬陵之政而輯其亭有功廬
陵是廬陵之後人也廬陵之文章政事傳于不朽君
修其業是亦不朽也既新其亭亦當復記其事以勵
後之人公曰不然廬陵爲不世出之人其知茲郡也
政治平而得假趣于山水之間二亭之作卽爲斯州
之勝迹誠不可朽者亭卽朽而名不朽也我也偶然

而來不忍其廢而新之是吾職也吾何功焉明年公
以疾去又明年與客遊於梁溪愛其湖山之勝遂卜
居焉春之日秋之夕時時載酒與客吟咏于龍峯曲
逕之間吾邑之紳士俊才咸得交焉次子大全亦登
進士歸而請傳于余余爲之書其始末云
贊曰嗟嗟先生有才之名有德不形承乏二州塗歌
善政晚慕廬陵詩酒是稱遷于梁溪山水隨問逍遙
終老是惟哲人

建文三年歲次庚辰黃鐘月朔

文華殿大學士同邑華淑拜撰



孟灣丁氏始遷祖紹先公傳

天地秀靈之氣鍾於山水而遂積於斯人故人有生
其地以綿翼而成一族者亦有從其地以創爲而業
一族者如孟灣丁氏之始祖紹先公是也父守德公
世居下圻娶余氏子三長諱紹元公諱紹先幼諱紹
完繼繼承承下圻己稱巨族家頗饒裕公籍有父母
兄弟綜理家政責可稍委焉爲人任義俠重然諾輕
財好施胸懷磊落每於春風秋月中與二三同志或

登高或臨泉酌酒賦詩窮山川花木之勝稍得佳境
心竊慕之以爲人生擇地而蹈耳何必汲汲焉以富
貴利達自繫其身也哉一日者偕友人駕扁舟遊於
震澤湖濱觀波濤之上下覩魚鳥之親人心曠神怡
樂而忘返便舍舟登岸詢其地則孟灣也觀其居則
背山面湖也其人之托業而處者學者誦詩書耕者
勤稼穡也且有良田美池桑麻鷄犬之盛山殺野蕪
住木竹箭之繁公曰嘻土地平曠風俗敦厚誠有先

王之遺風由是遂徙而居焉夫公之徙居孟灣也已
閱數百餘年矣螽斯蟄蟄瓜瓞綿綿歷數傳而又分
丁巷一支合而計之人已數百豈非公之創業於前
子孫之相繼於後歟不然下圻本公之故里也與孟
灣相去二十餘里非公之來居茲土則今之子孫仍
與下圻聚族而居矣于以知扶輿之磅礴鬱積雖山
林幽各必待其人而後靈人亦必以其地而後興也
今丁氏會集宗譜余與公之後裔光遠先生交好有

素因言其祖宗之所由來囑傳於余余不能以不文
辭因述公之節義廉潔志氣高曠後之人紹箕裘食
舊德追思祖宗之所自出庶幾于敬祖尊宗之禮尊
卑長幼之序秩然而不紊也夫

嘉慶歲次丙子桂月

賜進士出身

榜選四川成都府雙流縣知縣

年家眷弟汪士侃頓首拜撰

下圻丁氏宗祠記

禮言之同姓從宗合族屬又云不忘其本子孫支派
雖分其初同出於祖世之日遠日疎而至於忘者以
家法不立而宗祠不建也丁氏之先自齊侯伋賜諡
丁公子孫以諡爲氏越周秦漢唐代有偉人顧世遠
莫考矣今祠內奉爲始祖者諱浩字德溢南宋慶元
中紳士愛梁溪山水遂卜居於錫而下圻之有丁氏
則自道洪公始也道洪爲德溢之五世孫性恬淡不

嗜榮利又其時際元之季四方多故故自邑遷鄉陶
然自得有隱君子之風今其子孫聚族以居者振振
日盛矣下圻故無祠雍正十年族人秉之文若等鳩
宗人而告之曰吾宗自道洪公居此歷有年所敬宗
收族人道所先豈吾丁氏可無所以妥先靈而垂久
遠者於是眾議捐貲創建而祠以成噫昔籍談數典
忘祖君子謂其無後彼世祿之家猶不免此積習相
沿豈無問高曾而不知詢栝椽而或昧者夫輪困離

奇干霄蔽日木之茂也而孰知其根所由發耶浩沓
晶淼四流旁出水之盛也而孰知其源所由來耶今
丁氏睠念宗支不忘所自歲時拜奠尊卑敘昭穆分
觀於其族則秀者絃誦詩書樸者任農服賈敦厚節
儉無詐無虞於以知丁氏後人之賢而益信道洪公
隱居潛德遺澤孔長也是爲記


時

乾隆五十七年歲次壬子四月既望

誥授奉政大夫內閣侍讀學士

武英殿提調方畧館纂修

同邑秦瀛拜撰




楊橋祠堂記

爾雅云祠之爲言記也所以記祖先之廟也然而祠有宗祠分祠之別宗祠者祠其所自出之祖爲第一世分祠者祠其所自遷之祖爲第一世而出祖當以遷祖配享之此一定之例也粵稽錫邑青城鄉義昌里楊橋墩丁氏自步初公當宋末寇警時由晉陵來徙於此垂傳已二十餘世向有祠在常郡陽邑署後之鎖龍巷俗稱娑羅巷每歲春秋必往虔祭漸因子

姓日繁往返殊艱步初公二十世孫文烈文英兩人

遂倡議捐貲爲創祠計乾隆戊子至辛丑歲積十餘



載始得鳩工庀材又十九世孫子祿捐基七釐有奇

二十世孫文中文標捐基二分廼卽建祠兩造正室

六楹靠東又列旁室兩楹嘉慶戊午二十一世孫維

乾維翰議設神座以妥先靈道光癸卯二十二世孫

茂全茂盈二十三世孫安順等董督曼地油漆上匾


由是巍然煥然廟貌重新禮有之君子將營宮室宗

廟爲先書有之厥父基厥子廼弗肯堂矧肯構丁氏
之善繼善述累世而出所謂光前裕後者徵斯人吾
誰與歸今觀楊橋祠中所記之齊侯丁公與宋蓮士
元珍公而以始遷錫步初公配之猶鎖龍巷祠中所
祀之齊侯丁公而以始徙常惟大公配之俱爲春秋
禮祀萬世不祧之祖也是爲記

時

咸豐元年歲次辛亥小春之吉


邑庠生陳炳宸拜撰



楊橋丁氏宗祠捐田記

建祠必有基奉祀必有田二者俱待集腋而成者也
然要必有二三人以爲之倡丁氏文光文標捐田二
分子祿捐基七釐有奇以建祠文益捐田七釐以爲
祭田田雖少然亦足爲後嗣倡矣余聞諸君皆無後
然能如是則無後而有後其食報豈可量哉於虛賢
矣

道光戊子歲仲冬月吉旦 邑庠生陶亮拜撰



此書係... 卷三... 雙松堂...
 (The text in this section is extremely faint and largely illegible due to fading and a large water stain. It appears to be a multi-column text block.)

此書係... 卷三... 雙松堂...
 (Faint text on the left margin, possibly bleed-through or a secondary title.)

宗祠捐助小引

子孫之有功於祖宗者莫大於捐銀以建宗祠其次
則捐田以奉祭費又次則捐錢以充公用吾族自十
九世孫子祿捐祠基地七釐有奇二十世孫文中文
標捐祠基二分文英文烈倡捐銀權子母又買祠基
三分遂力造祠宇正室六間旁室兩間文益捐祭田
七釐嗣後有能繼前徽擴祖業捐助以肥公者俱當
特標如上其間有爲繼爲嗣酌其家產之多寡而捐

人者亦宜附列于後

道光二十六年

維甯爲繼子天興捐錢十二千

以充春秋祭費

咸豐元年

維龍爲兼嗣孫長發捐田四分

當變賣錢十六兩以充修譜之費

又

維壯爲兼嗣繼子天興捐錢五千

以作修譜之用

又

安豐爲繼子富繼捐錢陸兩

以作修之譜用


又

安慶嗣伯茂順名下捐洋兩元

以作修譜之

安繼爲繼茂洪名下捐錢一千

以作修譜之用



楊橋丁氏宗祠新設神座記

蓋聞善作者不必善成善始者不必善終况前人作
之後人成之前人始之後人終之此非善繼善述者
不能楊橋丁氏自文英文烈二公始建宗祠規模草
創廊如也至丁君維乾維翰議設神座以妥先靈廟
貌重新巍然煥然斯真善繼善述者矣書有之厥父
基厥子廼弗肯堂矧肯構又曰旣勤垣墉惟其塗墍
茨二君克守先業若是所謂有後弗棄基者其在斯


人歟其在欺人歟

道光歲次戊子仲冬之吉

賜進士出身歷署山東高苑縣知縣奉

旨特授山東金鄉縣知縣

年家眷弟劉承本撰




重建興隆橋記

橋名舊號丁家今則改建興隆鎮於里南百步之近
耑爲丁氏所獨創此舊號之所由來也遐想南俯橫
灣北臨新鎮西望水月東枕楊橋十方過客接蹟吟
歌萬頃平畦聯肩車屏汀蘭岸芷春風特送幽香波
月流星夜氣還爭耀彩容艇兮揚帆恍值干旌於浚
邑女桑兮執筥儼逢贈芍於溱濱無何始恃安流無
事者常凭欄玩景繼聞病涉有心人每觸目傷神向

之所謂丁家橋者不過以木為架易於朽壞文堯維

孝維祥維祖維能維龍維壯維慶維益茂興茂榮等



慨然而言曰此橋欲其根固必以石代之遂倡議為

橋會換錢三千有零執生息權子母越十數生已有

五六十千惜乎文堯等十一人漸次謝世因獨舉維

能執會稽總簿同里范楚玉主歸收諸事如此又二

十餘年總計錢一千一百貫有零維祥子茂全欣然

出躍而言曰資用已饒可以興作失此不為將恐耗

散維能楚玉曰善哉茂全之言也特吾二人血氣既
衰艱於奔走爾乃膂力方剛大有可爲時茂全聞說
愈喜確有擔荷鳩工庀材日息無休兩易寒暑而告
竣因更名曰興隆取其有益於丁巷里之意焉嗚呼
盛矣橫排雁齒旣成巨鎮於東南高揭虹腰又啟大
觀於陽錫步履坦坦利勝鄭僑之以乘規模蕩蕩功
多李渤之築隄至若磐石之安苞桑之固將歷百歲
而如新綿千秋而勿替矣噫伊誰之力歟伊誰之力

上卷
卷三
二
雙和堂
歟倡捐於始者則有文堯輩也繼興於中者則有維
能等也克成於中者則有茂全等也功足相倣並垂
不朽是爲託

時

道光十七年歲次丁酉中秋既望


陽邑翼亭氏朱葆心頓首

藝文

題錫山翠麓亭詩

諦看軒軒百翠微
暫來登此已忘機
地連佛寺樓臺
古泉落山田稻蟹肥
曉逕忽穿清氣入
夜船多載白雲歸
世人誰識紅塵外
終老功名未拂衣

寶臣



雲氣排天噴紫

海泉拾山澗隱居人

翻會孫孫可結好

翠嶺山家


作神主式法

白虎通云所以用主者神無憑依孝子所以繼心也
作神主之法上用梓木次用栗木爲之上員象天下
方象地濶四寸象天之四時高一尺二寸象十二月
令廣三十分象月之三十日厚十二分象日之十二
時左右有竅前後相配以象陰陽陷中題姓名葬
向道生年卒期外面粉披便于改題有官爵賜諡者
用硃漆金字大夫以下無諡者用烏地綠字士庶人

用粉地烏字

進神位儀節

神位入祠必須期前一日點香燭具肴饌于始祖
前遍告諸族中之長者備鼓樂綵亭前導送至祠門
首卽止子孫請出神主到始祖前參見鞠躬拜興拜
興拜興拜興平身然後登應居之所昭附昭穆附穆
祭于新神位子孫亦用俯伏拜禮



丁氏宗祠祭儀

凡託祖定期于清明墓前冬至祠祭自十六歲
以上者皆得與焉無故不到者議罰至于祭規
悉遵我

始遷祖步初公家禮斟酌裁定纖毫畢備儀注如在
執事

主祭一人 以宗子宗孫爲之係是正獻

陪祭八人 以分長房長尊者爲之係是分獻

通贊二人 引贊二人 以子孫習禮者爲之

捧帛五人 執爵九人 司樽二人

司盥二人

以子孫卑幼者爲之

讀祝一人 以子孫有才學者爲之

齋戒

正祭前三日主祭者沐浴更衣宿祭所不飲酒不茹葷不弔喪不問疾不聽樂不興穢惡事凡執事

人亦然惟不宿祭所

省牲滌器

正祭前一日晡時主祭者親詣廚房省牲涖殺將
毛血少許盛于盤中置神案下并會執事人等洗
濯祭器務使清潔其蔬菜脯醢魚肉羹飯之類當
未祭之前勿令人先食及猫鼠蟲蟻所污

陳設

祭之日夙興設饌共三席正楹一席祀始祖東西
兩楹祀配享列祖每席薦時物一器 鷄一

肉一 魚一 蔬菜一 蒸食一 羹

飯 茶 酒 果五品 猪首一 鷄一 魚一

香 燭 帛

迎神

通贊唱執事者各司其事主祭陪祭各就位通贊

迎神鞠躬拜興拜興拜興拜興平身

初獻

通贊唱行初獻禮執爵者執爵以俟通贊唱詣盥

洗所引贊引正獻分獻至盥洗所贊酌水進巾正
獻分獻盥手訖贊詣酒尊所贊司奠舉冪酌酒執
事各以爵受酒贊正獻詣始祖前分獻詣各

先祖前皆跪執爵者跪進爵于正獻分獻之右正
獻分獻受爵贊獻爵正獻分獻者各獻爵以爵

執事者奠于神位前凡進爵皆在右奠爵皆在

贊俯伏興平身正獻分獻俯伏興平身贊讀祝讀


祝者跪讀于香案前西偏

詞曰

歲在基年時維基

月某日裔孫某率合族子孫謹致祭于
始祖考

妣及列祖考妣之靈曰水源木本派別天潢霜降



露濡情深時變茲以六琯之刊調爰念千秋之

祀牲魚酒醴用伸祝嘏之誠籩豆鉶羹聿展孝

之敬洞洞屬屬肅肅雍雍我將我享伊維先祖

是皇來格來歆伏願曾孫有慶尙饗
如葦奈則

攷云氣序流易雨露旣濡瞻掃封塋不勝慕

正獻分獻皆跪聽畢讀祝者置祝文于案上贊俯


伏興平身正獻分獻俯伏興平身贊復位正獻分
獻各復位亞獻終獻一如初獻禮

徹饌

通贊唱徹饌各執事者詣神位前以蔬菜魚肉
移動不用僕役下人

送神

通贊唱送神鞠躬拜興拜興拜興平身正獻
分獻皆四拜訖



焚祝帛

通贊唱讀祝者捧祝進帛者捧帛各詣壑所正獻
分獻各移身分東西立捧祝帛者由中道過


通贊唱焚祝帛正獻分獻至焚祝帛處執事以

帛焚于坎將畢以土實坎中贊引通贊向唱禮畢
正獻分獻各復位向上一揖而退

餽餘


是日饗堂設席長幼尊卑東西相對依次而立一

揖然後就坐肴五簋酒六觴湯點飯各一道必恭
必敬毋致喧譁失儀違者議罰



丁巳年

雙十堂



修譜告 祖祝文

維

大清咸豐元年歲次辛亥

月

日

嗣孫

等謹

備香楮清酌之儀虔禱於

始祖丁公及歷代 祖先之前而言曰伏以

宗派聿昭世次之攸分事界創因切厯紛

足慮惟我本支之世譜編輯具有陳編以及同

宗之會修湮沒僅存蠹簡六十年之掩抑

還原七入祖之更移通微合漠手澤猶存

莫覲撫遺編而躑躅人往風微仰先哲以圖

居今追古仍舊增新敢曰闢戊子之謬載

實因於焉開辛亥之真編嗚呼源遠派分

載以前潛通血脉同條其貫數十傳之後各

根株創分支之支系待合纂之纂修條分縷

毋虞臭味之差池網舉目張定見東西之畫


將見地分錫邑儼如裴氏東眷西眷中眷之區

分派出毘陵恍似阮家南阮北阮諸阮之統輯
彙步初之同源萃枝條於一本以似以續既振
古以於斯而熾而昌冀自今而愈盛茲當付梓
之辰敢邀錫類之慶因而創革而沿事

區以別派以分勢所必然謹據敬慎伏

昭格謹告

夜各州



丁氏修譜傳單

謹啟吾族丁氏散處常郡武陽宜錫四邑甚多皆系
宋景祐元年兄弟同榜進士雙桂堂之裔聿稽明前
宏治戊午萬厯壬辰以迄 國朝順治乙未


申壬子嘉慶丙子道光戊子屢經修輯宗譜

越二十餘載未纂矣特恐年遠代湮祖宗之生

向茫茫無考爲此速望各支房長期於冬至

楊橋祠內酌議統宗續修家乘彙合成牘

照丁捐貲不得遲悞特傳



修譜合同議單

立合同議單族長

西支

大

房長

東支

大

房長

等為敬宗收族續修家乘事照得吾族

楊橋丁氏系出宋景祐元年兄弟同榜進

坊元宰元珍公之裔步初公當宋末寇亂


毘陵觀子巷避居於此後自楊橋而又徙居他

者亦甚多子姓繁衍已傳二十餘世向有

光戊子纂修之後迄今又歷二十餘載

同各房支派共謹備香楮牲儀虔

始遷祖步初公及歷代祖先之神靈伏冀



同倡捐率由舊章迨書草稿長幼尊卑挨次

秩然不紊付諸剞劂庶幾本本水源支分

議之日各宜盡心竭力奔走辛勤不得無

袖手旁觀倘有不遵公議削名莫悔凡我合族須

遵議者


一議各房支派遷徙他方者不拘遠近務宜遞

信俟歸接修

一議丁錢須照現丁派出若道光戊子年譜失修者當加倍捐

一議螟蛉異姓之子急宜赴局報明照其多寡捐貲入公充用如有隱匿及至出削名倍罰

一議尊卑行列式法規條悉依舊譜不一議兼
一議宜出加倍丁錢



一議族中多者莫因貧苦吝嗇

及至採訪察出宜罰

一議各房丁錢速宜奏出赴局交納支當應

不得拖遲

一議出入銀兩須擇族之老誠者登清


儉爲貴毋許浪費倘有私弊察出公罰

一議開局之日各房速將沿門年庚草稿送入

局騰清



道光戊子輯修宗譜通族公議東西各半承辦
嗣後每遇宗祠公務原照兩分承當願我族
人共遵此議載明於譜永定章程謹識



錫邑楊橋丁氏修譜歷代紀名

明萬曆乙酉 步初公第十六世孫

守陽

肇纂

清雍正甲辰

十九世

子和

子厚

重編

道光戊子

二十一世

維章

維乾

主修

維尚

維祖

協修

維餘

二十二世

茂學


茂洪

較正

茂祿

茂全

參閱



茂功

採訪


咸豐

一

二十一世

茂能

主修



二十二世

茂全

監修

二十一世

茂盈

較正

二十二世

茂祖

協修

二十三世

安順

採訪

光緒丙子

二十二世

茂業
茂典

主修

二十三世

安尙

採訪

二十三世 安乾

採訪

二十三世 安慰

監修

二十四世 富足

較正

二十四世 富德

協修

二十六世 富華

協修

